

ПРИБАВЛЕНІЯ.

ПРИБАВЛЕНІЯ

КЪ ПЕРВОМУ ТОМУ

АКТОВЪ ДЛЯ ИСТОРИИ ЮЖНОЙ И ЗАПАДНОЙ РОССИИ.

225. — 1464, сентября 20. Запись Добрыни Мисюровича, о продажѣ князю Ивану Острожскому имѣній: Конохи, Озеряны и Рапотова.

Я панъ Добрыша Мисюровичъ, мѣстичъ Острозкій, купилъ есми у пана Олехна Чувского имѣнье его, правую отчину, на имя Конохи, а Озеряны а Рапотовъ, у вотчину и въ дѣдину, а онъ ми тое имѣнье продалъ вѣчно и ненарушно и записалъ ми: воленъ есми продати, и отдати, и (по) души дати; а я есми тое имѣнье, на имя Конохи, а Озеряны а Рапотовъ, продалъ осподарю своему князю Ивану Васильевичу Острозкому за 100 копъ, со всѣмъ съ тымъ, што къ тому прислушаетъ, съ чимъ есми у него купилъ, вѣчно, по тому какъ самъ есми у него купилъ. А при томъ были: великого короля землянинъ, панъ Мишко Глускій, а панъ Пашко Митковичъ, воевода Острозскій, а панъ Игнатъ Промчѣйковичъ, а панъ Катупа, маршалко князя Ивановъ Острозкого; а панъ Петрашъ Верботичъ. А писанъ въ Острозѣ, у четвергъ, на святого Остаѣя, (въ) день мѣсяца сентября 20, въ лѣто 6972, индикта 12.

Подлинникъ, хранящійся въ библіотекъ Инсти-

тута графа Оссолинскаго, во Львовѣ, писанъ на № 225 пергаментъ, уставнымъ почеркомъ, безъ знаковъ препинанія, съ титлами и дыханіями надъ гласными буквами. Лѣтосчисленіе начертано церковною цифирью. — Списокъ доставленъ въ Археогрфическую Коммиссію корреспондентомъ ея г. Зубрыцкимъ.

226. — 1465, февраля 9. Жалованная грамота княгини Ульяны Кобринской и сына ея князя Ивана, слугъ своему Юдѣ, о предоставленіи ему въ вѣчное владѣніе Петропавловской церкви въ Кобринѣ со всеми доходами.

Се я княгини Семенова Ульяна Кобринская и зъ сыномъ своимъ княземъ Иваномъ Семеновичомъ, жаловали есмы и дали слугѣ нашему на имя Юдѣ въ Кобринѣ, на городѣ, и церковъ святыхъ Апостолъ Петра и Павла, и со всеми доходы и съ прихолы, и со всеми пашнями, и зъ десятинами, и зъ даньми, и съ тыми землями со всеми, какъ же было передъ тымъ по старому слушало къ церкви святыхъ Апостолъ при старомъ погѣ Петровскомъ, на имя Паци; также дали есмы и со всемъ и съ тымъ, и съ поемщинами, и зъ засѣдками, и зъ

227. роспусы, якожь то десятиннику Богдану и
228. дѣтемъ его, вѣчно, никимъ жо непорушно, . .
. . . и нами; а хто потомъ порушитъ сесь нашъ
записъ, розсудитъся передъ Богомъ. А про лѣп-
шее свѣденство и твердость, и печать свою при-
вѣсили есмы, за его къ намъ службу, за нужу,
и усховался служачи у князя моего и у насъ.
А при томъ были добрыи люди, королевы бо-
яре: Александро Ходковичъ; Тишко, братъ
его; Елхимъ, князя Юрьевъ бояринъ; а къ то-
му бояре наши Кобрынскіи и Грушовскіе,
Еско Верещака, Данило, воевода Грушовскій,
Петръ бояринъ Грушовскій, Холко Евсеевичъ,
Глядъ братъ Ходковъ, Сенько Приступчичъ,
Олександро Ильичъ, а еще дворане и мѣщане.
А писанъ у Кобрини, въ лѣто 6973, кругъ соли-
ца 1, лунѣ 19, индиктъ 13, мѣсяца февраля 9,
на Серкизовѣ недѣли. А писалъ Сенько, дѣякъ
княгининъ, Сергіевичъ.

Изъ Литовской Метрики (Запис. кн. XVIII,
л. 139), *хранящейся при Правительствующемъ*
Сенатѣ, въ С. Петербургѣ. Въ заглавіи акта от-
мѣчено: Попъ Кобрынскій городовый Оедоръ
зъ братомъ своимъ Яцкомъ положили листъ кня-
гини Кобрынское Семеновое Ульяны, который
они мають на тую церковь городовую и на при-
данье къ той церкви; который листъ слово отъ
слова такъ ся въ собѣ маеть. Господариня короле-
вая ее милость при томъ всемъ, воллугъ того листа
и подлугъ давного обычаю, ихъ оставити рачила.

227.— 1469. Жалованная грамота
князя Ивана Кобринскаго Семену Сер-
говичу на половину дворища Таратонскаго.

Милостью Божьею, се я князь Иванъ Се-
меновичъ Кобрынскій, чинимъ знаменито симъ
нашимъ листомъ каждому доброму, нинѣш-
нимъ и напотомъ будучимъ, ктожь на него
узритъ або чтучи его услышитъ, коли его бу-
детъ потребно. Погадали есмы зъ нашими бо-
яры, зъ слугами нашими вѣрными, дали есмы
и записали къ церкви светого Николы поло-
вину дворища Таратонскаго служѣ нашему

вѣрному, на имя Сенку Серговичу, вѣчно, на
вѣки непорушно, какъ отецъ его держалъ, зъ
лѣсы, и польми, и сѣножатями, и зъ бортною
землею, со всеми правы, со всеми пожитки,
ничого на себе не выимуючи. А дали есмы
тое верху писаное половину дворища предре-
ченому служѣ нашему вѣрному Сенку Сергови-
чу до его живота; а по его животѣ женѣ его и
дѣтемъ его, коли ему Богъ дастъ дѣти, вѣчно
и непорушно. А при томъ были свѣтки: Хол-
ко Евсеевичъ, а Сенько Приступчичъ, а братъ
его Глѣбко, а Андронъ, а Зубаха Занько, а
Оедоръ, воевода Кобрынскій. А про лѣпшее
свѣдѣство и печать нашу приложили есмы къ
сему нашему листу. А писанъ въ лѣто 6977,
Христово Рождества индикта 2.

Изъ Литовской Метрики (Запис. кн. XVIII,
л. 141 об.), *хранящейся при Правительствующемъ*
Сенатѣ, въ С. Петербургѣ. Въ заглавіи акта от-
мѣчено: Листъ пона Кобрынскаго Николскаго.

228.— 1479. Жалованная грамота
князя Ивана Кобринскаго священнику
Якову, *предоставляющая ему и его потомству*
въ распорядженіе храмъ Пречистыя Богородицы,
въ Кобринѣ.

А се я князь Иванъ Семеновичъ Кобрынскій
и зъ своею княгинею Оедкою, погадали есмы
и съ своими бояры и зъ нашею вѣрною (ра-
дою) о томъ, ижъ богомолецъ нашъ попъ
Яковъ Пречистое храма, отчичъ нашъ, узялъ
былъ къ дочцѣ своей дѣяка, и подалъ былъ
ему храмъ Пречистое Богоматере и зъ нашею
волею: ино Божья воля надъ нимъ; и мы на
то порозумѣли, и дали есмы Пречистое Бого-
матере храмъ тому истому отчичу нашему по-
пу Якову, абы за насъ Бога просилъ покиль
живъ; а по его смерти — ино его внучатомъ
храмъ Пречистое вѣчисто, который будетъ
достоенъ за насъ Бога просити и Пречистое
Богоматере; а если Божья воля будетъ надъ
попомъ Яковомъ, а тыи дѣтки еще будутъ не
доросли своихъ лѣтъ, и дочка того Якова попа

маеть держати наемного попа, абы за насъ
Бога просилъ, поки тыи дѣтки лѣтъ своихъ
доростутъ. А на то печать наша у семъ листу.
Писанъ въ лѣтѣхъ Рождества Христова въ
лѣто 6987, кругъ солнца 15, лунѣ 14, ин-
диктъ 12.

Изъ Литовской Метрики (Запис. кн. XVIII,
л. 139 об.). *Въ заглавіи отмѣчено:* Попы Пре-
чистскіе, Оедоръ а Борысь, положили листъ кня-
зя Ивана Кобрынскаго, который мають на цер-
ковь Кобрынскую светое Пречистое, и на наданье
къ той церкви, который листъ слово отъ слова
такъ ся въ собѣ маеть. Господариня королева ея
милость, воллугъ давности ихъ, при томъ всемъ
наданьи оставити рачила.

229.— 1486, августа 10. Данная Ива-
на Стретовича Лаврашеву монастырю
на тридцать копъ жита.

Се я панъ Иванъ Александровичъ Стрето-
вичъ, подскарбій господаря великого короля
Казимира, записалъ есмы съ своего имѣнья, зъ
Березовца, тридцать копъ жита къ церкви
пречистое Богоматере къ Лаврашеву манасты-
рю, вѣчно а непорушно, штобы тое жито да-
вали прироженныи мои и по миѣ будучи къ ма-
настырю; а хто не въсхочетъ по миѣ давать
того жита, судитъ ему Богъ. Писанъ у Бере-
зовци, лѣта 6994, августа 10, индикта 5.

Изъ пергаменнаго евангелія начала XIV вѣка,
принадлежавшаго князю А. А. Чарторійскому, а
нынѣ хранящагося въ Императорской Публичной
Библиотекѣ.

230.— 1487, января 26. Данная князя
Ивана Кобринскаго и супруги его, *на*
часть доходовъ съ земель, въ пользу церкви Рож-
дества Христова въ имѣнїи Добучинахъ.

А се я князь Иванъ Семеновичъ Кобрын-
скій, помыслилъ есмы и съ своею женою кня-
гинею Оедкою, и поставили есмы церковь
святого Рождества Христова у своемъ дворѣ
въ Добучинахъ; и придали есмы церкви Бо-

жей десятину и зъ нашего двора, съ озимого, № 229.
и со всего, отъ жита и отъ ярины, выимую- — 230.
чи овса, а ведро наше дани изъ Постолова, а — 231.
полпятнадцать грошей, а двадцать грошей на
Тумаши и на его Сябра, а поле за мястомъ,
илучи отъ двора по лѣвой руцѣ, а другое поле
за мхомъ, и съ причинки, а сѣножати на два-
надцати стоги, а островъ уѣздомъ дубовый,
гдѣ бы мялъ два челоуѣки посадити. А при-
дали есмы къ церкви Божьей Рождеству Хри-
стову тую данину вѣчно и непорушно; а не
уступатися никому въ тое, ни моимъ дѣтемъ, а
ни ближнему нашему; а хто на тое уступить
и порушитъ нашу данину, тотъ розсудитъ со
мною передъ Богомъ на страшномъ судѣ, а
еще на томъ буди клятва святыхъ отецъ три-
ста и осмнадцать, иже въ Никей. Въ лѣто
шестое тысячное девять сотъ девеносто пятое,
индикта 5, мѣсяца генвара 26 день, на память
светого Ксенифонта.

Изъ Литовской Метрики (Запис. кн. XVIII,
л. 140), *хранящейся при Правительствующемъ*
Сенатѣ, въ С. Петербургѣ. Въ заглавіи отмѣче-
но: Попъ Добучинскій Павелъ положилъ еванъ-
елье, въ которомъ евангелія записано ему отъ
князя Ивана Кобринскаго на тую церковь Добу-
чинскую земля и дани, который записъ слово
отъ слова такъ ся въ собѣ маеть. Господариня
королева ея милость при всемъ томъ рачила
его оставити.

231.— 1491, мая 20. Грамота Литов-
скаго великаго князя Александра Анд-
рею Самборовичу на пустошь Ягминишку.

Александръ, великій князь Литовскій, Ру-
скій, Жомойтскій. Просилъ насъ господаря
панъ Станиславъ Кгаштолтъ, панъ Троцкій,
староста Жомойтскій, за бояриномъ нашимъ
округу Ясвоньскаго Андрушкомъ Самборови-
чомъ, абыхмо ему придали пустошцизну Яг-
минишку; ино мы господаръ тую пустошцизну
Андрушку и потомкомъ его дали есмы, съ ко-
торой конемъ намъ господару служити маеть.

№ 232. Писанъ у Вильни, году тисеча чотыриста девятьдесять первого, мѣсяца мая двадцатого дня, индикта шостого. У того листу печать его милости князя великого Александра приписана, и подпись писарскій написанъ тыми словы: Федоръ Борисовичъ, писаръ.

Выписана изъ жалованной подтвердительной грамоты короля Сигизмунда III-го, данной на дворянское достоинство и гербъ Самогитскому землянину Григорью Юрьевичу Самбору, 1589 г. іюня 10, находящейся въ Литовской Метрицк (Запис. кн. LXXVIII, л. 136 об. — 138), при Правительствующемъ Сенатѣ, въ С. Петербургѣ. Въ заглавіи грамоты отмѣчено: Григорью Самбору оставенье его при вольности шляхетской.

232. — 1493—1494. Правая грамота, выданная княгиней Анною Слуцкою и сыномъ ея Семеномъ игумену Троицкаго монастыря Іосифу, по спору его съ сокольниками Гиковичами о границахъ монастырскихъ земель.

Мы княгиня Михайлова Александровича Анна и съ моимъ сыномъ княземъ Семеномъ смотрѣли есмо промежи богомолца нашего Іосифа, игумена Троецкого, и промежи сокольниковъ нашихъ Гиковичовъ, о бортное дерево подлѣ монастыря: жаловалъ намъ игумень такъ: «то есть земля звѣчная церковная, поченши отъ монастыря и до тоѣ сосны на бортищохъ, на одномъ корени двѣ; отсюль отъ монастыря моя, а оттуль твоя; а оттоль до сосны до наше до старое монастырское, подлѣ Иванскоѣ дороги, а отъ тоѣ сосны до Локни, куда заводили предка моего Макарія, бывшаго архимандрита Печерскаго, панъ Волчко Кляпиничъ и очичъ тоѣ земли, который придалъ тую землю къ монастырю святѣй Троицы, Харьшъ; а за тыми соснами, тамъ нашего монастырскаго сосонья старины нѣтъ, а и не идемъ тамъ, а на сей сторонѣ, къ монастырю, вашей старины нѣтъ и вы пошли въ нашу зем-

лю въ церковную звѣчную, новиною, а старины ваше нѣтъ». И Гиковичи къ тому жадного отпору не чинили, только такъ рекли: «мѣли есмо право съ предкомъ твоимъ Макаріемъ передъ господаремъ княземъ его милостью, подъ тою сосною што подлѣ Иванскоѣ дороги, и господарь князь его милость такъ тогда вридилъ: отъ тоѣ сосны велѣлъ намъ поити алижъ до монастыря». Игумень къ тому такъ рекъ: «если будетъ господарь князь его милость о то вридилъ васъ съ предкомъ моимъ Макаріемъ, велѣлъ вамъ черестъ тую сосну поити до монастыря, готовъ есми виновать, докажи того». И Гиковичи подали на то свѣтки, Александра а Микиту, а соколника Ермолу и иншии соколники. Игумень къ тому такъ рекъ: «я радъ спустити на Макарія, съ которымъ вы право мѣли, а на Александра и на Микиту нехай тые люди добрые што посвѣтчатъ, а я того хочу терпѣти». А соколники оставилъ: «вамъ дей то бурсники». И Гиковичи къ тому такъ рекли: «мы спускаемъ на всихъ и на соколники»; и игумень къ тому приступилъ, такъ рекъ: «коли вы соколниковъ не хотите отставити, я былъ спустилъ на ваши жъ люди, абы тыв люди добрыи посвѣтчили, Макарій а Олександро а Микита, безъ присяги; а коли вы хотите и на соколники, я радъ, припуцаю на одного Ермолу соколника, нехай присягъ посвѣтчитъ, душа его подойдетъ, а я того хочу терпѣти». И на то шапки приставили. И Ермола передъ нами такъ отказалъ: «на чомъ мнѣ присягати? а я того ничего не вѣдаю; много я со княземъ ѣжчивалъ, мнѣ того не перепаматовати». И мы, про лѣпшую справедливость, и тыхъ свѣтковъ опытывали, и они такъ отказали: «того не вѣдаемъ, не слышали есмо у князя, штобы имъ велѣлъ поити до монастыря». А Макарій намъ такъ отказалъ: «коли я держалъ монастырь, тогда мнѣ панъ Волчко Кляпиничъ отвелъ по тое сосонье выше реченое, а такъ рекъ: «Макарій! хотѣли дѣлати сосонье, потуль дѣлай, а далѣй

тамъ не ходи: тобѣ вжо тамъ нѣтъ; а къ собѣ никого не пушай: тамъ нѣтъ никому, только монастырю»; а опослѣ того обводилъ Харьшъ, очичъ, который тую (*) землю и придалъ, по тое жъ сосонье велѣлъ ми ходити, а далѣй ми не велѣлъ ходити, а къ собѣ никого не пушати». — И мы въ томъ игумена знашли есмо его правого, и тую землю отсудили есмо къ церкви Божьей по старому, какъ и передъ тымъ было: Гиковичомъ тамъ не ити черестъ тое сосонье къ монастырю, а игумену тамъ къ нимъ не ити, держатися ему того, покуль заводилъ панъ Волчко и тотъ очичъ земли тоѣ Харьшъ; а которое сосонье пописали Гиковичи у той земли церковной, и мы тые знамена игумену велѣли вытесывати, а свои ему писати. А при насъ были бояре наши: панъ Василей Царь, а панъ Василей Зѣнковичъ, а панъ Александро Волчковичъ, а духовникъ мой попъ Евстаѣй Спаскый; а на свѣдоцтво всѣхъ тыхъ вышшереченыхъ словъ, сесь нашъ листь за нашою печатью дали есмо ему.

Подлинникъ писанъ на бумаженомъ полулистѣ, четкою скорописью, съ титлами, но безъ запятыхъ и точекъ. Скрѣпы нѣтъ. Въ концѣ грамоты остался знакъ перстисвой печати, которая приложена была подъ кустодію на красновосковой масѣ. — Хранится въ архивѣ бывшихъ Греко-Унитскихъ митрополитвѣзъ, при Святѣйшемъ Синодѣ.

233. — 1496, іюля 15. Грамота Литовскаго великаго князя Александра Полоцкимъ жителямъ, признающая право великокняжескаго подаванья (jus patronatûs) за Никольскимъ монастыремъ, на Лучиѣ.

Александръ, Божьею милостью великій князь Литовскій, Рускій, Жомойтскій и иныхъ. Стояли передъ нами очевисто вси бояре Полоцкіе и мѣщане со владыкою Полоцкимъ Лукою о монастырь святого Николы

на Лучиѣ; и положили передъ нами бояре № 233. евангелъ, и въ евангелии записано, што тотъ — 234. монастырь здавна подаванье нашо господарское. И мы тому врозумѣвши, и взяли есмо тотъ монастырь святого Николы на Лучиѣ къ нашему подаванью, а владыцѣ Полоцкому не надобѣ въ тотъ монастырь вступатися. Писанъ у Вильни, іюля 15 дня, индикта 14.

Изъ Литовской Метрики (Запис. кн. XVI, л. 162), хранящейся при Правительствующемъ Сенатѣ, въ С. Петербургѣ. Въ заглавіи отмѣчено: Przywiley na monastyr w Polocku świętego Mikoly.

234. — 1496. Запись князя Юрія Жаславскаго о продажѣ Семену Олизаровичу имѣнія на Воляни.

Я князь Юрьи Васильевичъ Жаславскій, визнаваю симъ моимъ листомъ, кому будетъ потребъ его видѣти, або чтучи его слышати: ижегъ продалъ есми пану Семену Олизаровичу имѣние на Воляни свое власное, и зъ людьми своими, которыежъ въ томъ имѣнии живутъ, реченое Бѣлошовъ, за тридцать копъ широкихъ грошій, вѣчне и непорушне, и жениго и дѣтемъ его, такъ долго и такъ широко, какъ же есми самъ держалъ въ всѣхъ границахъ и въ всѣхъ околицахъ, какъ истародавна есть; продалъ есми ему зо всимъ, зъ боры, зъ лѣсы, зъ дубровами, зъ ловы, зъ гаими и зо всѣми ролями, выкопаными и невыкопаными, и съ всѣми сѣножатями, которыежъ есть теперь и которыежъ и напотомъ мають быти выкопаны, и зо всѣми залежностьюми, которыежъ есть истародавна къ тому имѣнію, и зъ рѣками, и зъ малыми рѣчками, и зъ затоками, и съ ставы, съ озеры, и зъ бобровыми гоны, и зъ млины, и зъ будоваными и не зъ будоваными, и соколомъ, и съ сычомъ, и зо всѣми дашьми, и зъ дары, и съ поклоны, и съ чинши, какъ же стародавна бывало съ того имѣнія; продалъ есми ему и на-

(*) Въ подл. писецъ, при переносѣ на другую страницу листа, пропустилъ это слово.

235. потомъ будучимъ ближнимъ его такъ, ижъ
— 236. онъ воленъ, або хто ближній его, кому усхо-
четь продати, або даровати, або замѣнити и
на своѣ добровольныи въжиткы обернути,
какъ же ся ему налѣпей будетъ видѣти и ря-
дяти. А такъ есми ему продалъ: ажетъ ниhto
зъ ближнихъ моихъ, ни жона моя, ни дѣти
мои, а ни мои прирочоныи ближныи, ниhto
зъ нихъ не мають въ то ся вступати. А при
томъ были панове, ихъ милость: панъ Тишко
Ходьковичъ Кореневскій; а князя великого
ловчій, панъ Левъ; а землянинъ Волинское
земли Ивашко Явчынскій а Оедко Пузовь-
скій, а мѣщане Берестейскыи: Марко Гаври-
ловичъ, а Мишко Тевдиновичъ, Янъ Барановь-
скій, а Пресмыцькый Станиславъ, а его
сынъ Янъ. И на то есми пану Семену сей мой
листъ далъ; а для лѣпшей твердости, къ тому
листу и печать есми свою приложилъ, и про-
силъ есми пана Тишка а пана ловчого, абы ихъ
милость и своя печати приложили къ сему моему
листу, и ихъ милость и своя печати приложи-
ли. Писанъ у Берестѣ, юня 26 дня, индикта 14.

*Изъ собранія Бѣлорусскихъ актовъ XIV—XVI
в. (рукоп. новаго письма in fol. л. 93), принадле-
жащаго Румянцевскому Музеуму.*

255.— 1498, октября 5. Жалованная
подтвердительная грамота Литовскаго
великаго князя Александра дворянамъ
Андрушковичамъ и Истенковичу на зем-
ли и людей въ Волковыйскомъ, Васишискомъ и
Остринскомъ повѣтахъ.

Александръ, Божьею милостью великій
князь Литовскій, Рускій, Жомойтскій и иныхъ.
Чинимъ знаменито симъ нашимъ листомъ, хто
на него посмотреть, или чтучи его услышитъ,
комужъ того потребъ будетъ вѣдати. Били
намъ чоломъ дворане наши, Станиславъ, а
Янъ а Венцлавъ Андрушковичи, а дяковичи
ихъ Матей Истенковичъ, и вказывали передъ
нами листъ отца нашего, короля его милости,
што еще дѣдъ ихъ, панъ Ивашко Проствило-

вичъ, выслужилъ на отцы нашомъ, короли его
милости, люди у Волковыйскомъ повѣтѣ на
Лопеницы, што Урияжій держалъ, а землю
Жавронковичовъ, а человекъ данника на имя
Васильца Пробудишковича; у Васишискомъ
повѣтѣ земли на имя Олинцову а Мацкову
Оношковича, а увъ Остринскомъ повѣтѣ лю-
ди данники на имя Вешкутьевичовъ, — какъ
былъ еще великимъ княземъ; и били намъ чо-
ломъ, абыхмо имъ тые люди и земли вышей-
писаные, што дѣдъ ихъ панъ Ивашко выслу-
жылъ на отцы нашомъ, короли его милости,
потвердили нашимъ листомъ. И мы зъ ласки
нашое, за ихъ вѣрную службу, потвержаемъ
выслугу дѣда ихъ имъ, и ихъ жонамъ, и ихъ
дѣтемъ, и потомъ будущимъ ихъ щадкомъ со
всимъ по тому, какъ дѣдъ ихъ панъ Ивашко
держалъ, што здавна къ тому прислухало,
симъ нашимъ листомъ вѣчно, непорушно: вол-
ни то они отдати, и продати, и замѣнити, и къ
своему вжиточному обернути, какъ сами налѣ-
пей розумѣючи. А на твердость того и печать
нашу казали есмы привѣсити къ сему нашо-
му листу. Писанъ у Вилни, 7007, мѣсяца ок-
тября 5 дня, индикта 3.

*Изъ Литовской Метрики (Запис. кн. XXV, л.
73), хранящейся при Правительствующемъ Се-
натъ, въ С. Петербургѣ. Въ заглавіи акта от-
мѣчено: Потверженъе короля его милости Алек-
сандра Станиславу, Яну и Венцлаву Андрушко-
вичомъ и Матею Истенковичу на певные люди и
земли у Волковыйскомъ и Васишискомъ, а на
данники Вешкутьевичы увъ Остринскомъ повѣ-
тѣхъ, выслугу дѣда ихъ Ивашка Проствилови-
ча, на вѣчность.*

256.— 1500. Жалованная подтверди-
тельная грамота Литовскаго великаго
князя Александра Оболецкимъ велико-
княжескимъ слугамъ Евневичамъ на че-
тыре сельца, по данной князей Семена и Василья
Шемячичевъ.

Александръ, Божію милостию великій князь

Литовскій, Рускій, Жомойтскій и иныхъ,
намѣстнику Рошскому и Оболецкому, пану
Юрью Глѣбовичу, и инымъ намѣстникомъ
нашимъ, хто и потомъ будетъ отъ насъ Обо-
лцы держать. Били намъ чоломъ слуги наши
Оболецкіе, на имя Митко а Тухлашъ, Жданъ
а Панко Евневичи, а указывали передъ нами
листы князя Семена и князя Василя Шемя-
чичовъ, штожъ подавали имъ сельца Криче-
вичи, а Бисльмиковщину, а Титковичы зъ бе-
резники, а къ тому придали имъ Уласовщи-
ну; и били намъ чоломъ, абыхмо имъ на тые
сельца дали нашъ листъ. Ино мы имъ на то
дали сесь нашъ листъ, нехай они тые сельца
держатъ, поллугъ давины и листовъ князя Се-
мена а князя Василя Шемячичовъ; и на то и
печать нашу казали есмы приложить къ сему
нашому листу. Писанъ у Вилни, мѣсяца авгу-
ста индикта третего, подъ лѣтъ Божого наро-
женья тисеча пять сотъ.

*Изъ актовъ книги Мстиславльскаго Уезднаго
Суда № 18, л. 692 об. — 693.*

257.— 1545, апрѣля 15. Жалованная
грамота Польскаго короля Сигизмунда
Августа городу Кіеву на свободу отъ госу-
дарственнаго и частнаго мыта и торговыхъ
пошлинъ въ великомъ княжествѣ Литовскомъ.

Жикгимонтъ Августъ, Божьею милостью ко-
роль Польскій, великій князь Литовскій, Ру-
скій, Прускій, Жомойтскій, Мазовецкій и
иныхъ, княземъ и паномъ, воеводамъ, старо-
стамъ, державцамъ, намѣстникомъ, бояромъ
и дворяномъ нашимъ, духовнымъ и свѣтскимъ,
и всимъ мытникомъ по отчизнѣ нашей вели-
кому князству Литовскому. Тыхъ часовъ при-
сылали до насъ войтъ, бурмистры и рядцы и
всеи мѣщане мѣста нашего Кіевского, жалуя-
чи и велико собѣ обтяжаючи о томъ, ижъ што
предокъ нашъ славной памяти, Александръ
король его милость, для ихъ великаго впаду,
который они мають на каждый годъ отъ не-
приятелей нашихъ поганства Татаръ, отпустилъ

имъ мыта наши и тежъ всеи мыта князскіи, № 237.
панскіи и боярскіи, духовныхъ и свѣтскихъ,
сухимъ путемъ и водою по всеи отчизнѣ на-
шой великому князству Литовскому вѣчно, въ
которыхъ-колвекъ мѣщанъ Кіевскихъ будетъ
листъ подъ ихъ печатю мѣстцкою. О чомъ же
первей того наяснѣйшій король его милость,
панъ а отецъ нашъ, до васъ писати рачилъ
подъ зарукою его милости тисечью копами
грошей, приказуючи вамъ, аже бы есте вездѣ
отъ нихъ мыта не брали и заховываючи ихъ
во всемъ подле привилія Александра короля
его милости, то пакъ дей вы, не дбаючи о ли-
сты и росказанье его кролевскіи милости,
предся уво имѣныхъ своихъ мыта на нихъ
вездѣ берете и товары ихъ гамуете, въ чомъ
же ся имъ великая кривда и тяжкость отъ васъ
дѣте. Чого бы есте надъ привилея и листы
короля его милости чинити имъ не мѣли. Ко-
торыи жъ листы короля его милости они тыхъ
часовъ передъ нами покладали, мы ихъ огле-
давши, въ томъ ихъ заховываемъ подле при-
вилія Александра и тежъ листа отца нашего,
королей ихъ милости, и приказуемъ вамъ подъ
закладомъ нашимъ тисечью копами грошей, а
— жебы есте отъ тыхъ мѣщанъ нашихъ Кіев-
скихъ, въ которыхъ будетъ листъ подъ ихъ
мѣстцкою печатю, отъ товаровъ ихъ мыта на
нихъ вездѣ по нашимъ мытамъ, по князскимъ
и панскимъ и боярскимъ, духовнымъ и свѣт-
скимъ, сухимъ путемъ и водою, не брали и
вездѣ ихъ добровольне а безмытне пропуска-
ли, и въ томъ имъ некоторое кривды и тяж-
кости и шкоды не дѣлали конечно, абы то
инакъ не было; пакли жъ бы есте о росказанье
нашо ничего не дбаючи, предся въ томъ имъ
кривды и шкоды дѣлали, тогда вѣдайте пев-
це, ижъ кажемъ на таковыхъ противныхъ всеи
шкоды, ижъ которыи ся въ томъ имъ стануть,
и тежъ тую заруку нашу на имѣныхъ вашихъ
моцно отправить. Писанъ у Вильни, подъ лѣтъ
Божого Нароженья 1545, мѣсяца апрѣля 15
дня, индикта 10. — «Иванъ Горностаи.»

№ 238. Войтъ, бурмистры, радцы, лавнице и присеж. мѣста господаря короля его милости Киевского, списавши тую копею зъ листу господарьского, дали есмо мѣщанину его кролевское милости мѣста Киевского Василью Федоровичу Кобызевича, подъ печатью мѣстскою ратушною.

Современный списокъ съ подлинной грамоты, скрѣпленный печатью города Кіева, писанъ на двухъ бумажныхъ полулистахъ, на оборотъ которыхъ помѣчено: По великому князству Литовскому. — Доставленъ въ Археографическую Комиссію корреспондентомъ оной Зубрыцкимъ.

238.— 1556—1568, октября 28. Письмо протопопа Киевскаго Якова Матеребожскаго къ митрополиту Киевскому Сильвестру о распоряженіяхъ по сбору митрополитскихъ доходовъ и о другихъ дѣлахъ.

Господарю нашему милостивому, преосвященному архіепископу киръ Селивестру, митрополиту Киевскому и Галицкому и всея Руси. Милостивый господарю! што ваша милость рачилъ розказати мнѣ неводъ купити, я неводъ купилъ и далъ за него шесть копъ грошей, и почалъ есми озера вашей милости волоčiti; видли што напервѣй Богъ рачилъ послати, я тую рыбу до вашей милости господаря моего послалъ, и дань, которую могъ есми vybrati, то все послалъ зъ иными рѣчьми комягою, о што меновите и въ листѣ моемъ писалъ, съ которого ваша милость вырозумѣти рачишь. Што тежъ ваша милость, господарь мой, рачилъ розказати мнѣ межѣ священники Подольскими рядностей церковныхъ и справъ духовныхъ по тымъ замкомъ украинымъ огледати и справу ихъ на реистръ списавши къ вашей милости о томъ вѣдати дати: ино, милостивый господарю, радъ быхъ тамъ давно ѣхалъ, видли въ насъ того лѣта прошлаго ажъ и до сихъ часовъ што и часъ сполохи отъ Татаръ бывали, никуды было и за милю отъ замку выѣхати. И о куничныхъ тежъ пѣнези,

которыя приходятъ на вашу милость на тыхъ попѣхъ Подольскихъ, они, милостивый господарю, повинни давати на третій годъ, то есть теперешноѣ прійдучоѣ зимы зъ нихъ выбирать: якожъ есми, господарю, отпустивши комягу съ тыми рѣчьми до вашей милости и озера поволочивши, хотѣлъ ѣхати на Подолье рядностей церковныхъ огледати и тыи пѣнези куничныи выбирать, и вѣдомость взявши и зовсеми тыми доходы до вашей милости ѣхати: видли тотъ Олексѣй, игуменъ вашей милости Выдубицкій, позвалъ мя передъ вашу милость позвы на короткій рокъ, на чотыри недѣли на Филиповы запусы, передъ вашею милостью въ Новѣгородку становитися, которыя были часы потому приходили заморозы, рыбъ добывати и озера поволочити на все лѣто. Вашей милости господарю моему чоломъ бью: розкажете ль ваша милость тыи справы вашей милости пилнѣйшыи и пожиточнѣйшыи поцехати и ку вашей милости ѣхати, я, милостивый господарю, все такъ вчиню, водле розказанья вашей милости; видли, милостивый господарю, обвароваломся того отъ вашей милости, оставивши таковыи справы, и поѣхати до вашей милости ни съ чимъ, ани по што будетъ; и теперъ покорне чоломъ бью вашей милости, господарю моему милостивому, рачи того року припалого надалѣй помкнути, зачимъ быхъ могъ тыи речи вашей милости справити и ему во всемъ томъ передъ вашею милостью усраведливити: бо тая речь его неслушная передъ вашей милостью господаремъ моимъ то окажется. Што тежъ ваша милость, господарь мой, рачилъ писати до мене о люди вашей милости, которыи Панкевичъ держитъ, ижъ быхъ зъ нихъ дань медовую на вашу милость выбралъ: видли тотъ Панкевичъ напередъ писанья вашей милости тую дань съ тыхъ людей выхваталъ, а листъ мнѣ вжо опослѣ принесенъ зъ Овручаго, и вжо то онъ за щастное панованье вашей милости съ тыхъ людей взялъ двадцать кадей меду, а службы тежъ зъ

него вашей милости никотороѣ нѣтъ и на поле зъ имѣней церковныхъ не ѣздитъ, одно мнѣ соромота, а людямъ вашей милости трывога, менить собѣ быти вриадникомъ, рекучи: «што и часъ надѣвамся листовъ отъ его милости митрополита на вриадъ Софѣйскій»; а люди вашей милости тому вѣры додаютъ и въ томъ ся трывожатъ. А которыи попы, милостивый господарю, безжонны повѣту Киевского, тыи до вашей милости ѣдутъ; и которое подаванье замковое отъ его милости пана воеводы, або и другихъ подавецъ, рачи ваша милость, господарь нашъ, таковымъ попомъ словомъ своимъ господарскимъ грозне розказати, ижъ бы они въ послушенствѣ были врияду Софѣйского, якожъ инии многіи то мовять: «мы о тобѣ врияднику мало дбаемъ; естмы подаванье замковое, воленъ надъ нами панъ воевода и вриядники его»; абы напотомъ таковыи не были. А притомъ тежъ покорне низко чоломъ бью вашей милости, господарю моему милостивому, рачи на мене наменшого слугу и богомолца вашей милости ласкавый и мило-

№ 238. стивый узглядъ свой господарскій мѣти: который отъ вашей милости вриадъ мамъ Софѣйскій, ино теперъ люди вашей милости впалыи, якожъ медъ такъ и хлѣбъ имъ не зродилъ, не мамъ на томъ вриадѣ чимъ запомочисъ, служку або и двухъ мѣти и заховати; а имъ што быхъ мѣлъ дати, рачи ласку свою господарску мнѣ вчинити, а тотъ объѣздъ Мозырскій мнѣ служѣ вашей милости дати сеѣ зимы пришлоѣ, зачимъ быхъ отъ вашей милости запоможенье мѣлъ господаря своего, и за ваше милости здорыве вѣчне Бога просилъ. Писанъ въ Кіевѣ, октября 28 день. — «Наменшій слуга и богомолецъ вашей милости Яковъ Матеребожскій, протопопъ Киевскій, низко чоломъ бьетъ.»

Подлинникъ писанъ сплошною скорописью, безъ знаковъ препинанія. Бывъ сложенъ и запечатанъ черновосковою печатью, имѣетъ на пакетѣ надпись: Господарю нашему милостивому, преосвященному архіепископу киръ Селивестру, митрополиту Киевскому, Галицкому и всея Руси.

Хранится въ архивѣ бывшихъ Греко-Унитскихъ митрополитовъ, при Святѣйшемъ Синодѣ.

КОНЕЦЪ ПЕРВАГО ТОМА.